

M0009942: French anatomical fugitive sheet showing a seated female figure

Publication/Creation

March 1947

Persistent URL

<https://wellcomecollection.org/works/gua595v9>

License and attribution


This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

VIF POVR TRAICT DES PARTIES INTERIEURES DV CORPS HVMAIN.



Ilya vn dict ancien & noble, lequel n'est pas venu de l'homme, mais de Dieu. Congnois toy mesmes. Par lequel il me sèble n'estre commadé autre chose que de contèpler la merueilleuse composition du corps humain, le Nôbre Ordre: & position des entrailles, & l'office d'icelles. Laquelle chose congnoistre exactement n'appartient seulement aux medecins, mais aussi à tous ceulx qui ont veuloir de congnoistre & songneusement enquerir les faitz & secretz merueilleux de l'ourage de Dieu. Et ne peult estre plus diuin estude que si l'homme s'eslaie de descèdre à sa congnoissance: qu'à la parth appreingne à congnoistre qu'il n'y à rien en l'homme excepté l'ame, parquoy il se doibue plus que les aultres bestes esleuer en orgueil. Pour ceste cause auons exprimé en ceste table au moins mal que nous auons peu, les entrailles du corps humain. Afin que nous les puissons reduire en memorye à ceulx qui les ont experimētées aux corps morts, & que nous puissons aussi inciter à congnoissance & desir de Anatomie ceulx qui ne sont pas beaucoup affectionnez enuers si noble contemplation.

A
L'ARTERE par laquelle nous in spirôs l'halaine, & respirôs, viennent des poulmons iuques à la ligue, en forme d'vn tuyau, laquelle on appelle en grec Trachia arteria: en latin Aspera arteria Gurgulio, canna pulmonis, meatus spiritus, exterior colli fistula, elle va aux poulmôs & au cuer, auquelz par icel le artere l'air est conduit, & se diuise, en plusieurs conduitz cauerneux parmy la subsistance du poulmon.

B
Le Poulmon est l'instrument de respiration, car il attire à foy l'air & le red parquoy il est plein de petiz trous & vuides cauerne, & se deslèd & deprime en foy pour respiret, & se esleue pour inspiet, tout ainsi q'font les soufflets d'vn Marechal, il est pourtraict à la forme d'vn angle de beuf, il est subiect à vlcération & inflammation.

C
Le cuer en langue Arabique appelle Kalb, partie en laquelle la vie est contenue g'ouuerneresse du sang spirituel, il est situé desoubz la mamelle fenestre, cōposé en forme ague p le fond & large par le hault: il à deux ventricules, au fenestre duquel est porté par l'artere venueuse tout l'air vile que les poulmons luy ont preparé. Il n'est subiect à aucune maladie, excepté paralytie, de laquelle l'homme meurt subitement, ainsi que dict Celsus Aurelianus, medecin bien ameux & methodique.

D
Le diaphragme separe du ventre supérieur, en quoy est l'esprit vital, du ventre inférieur, elquelz sont les vaisseaux qui appartiennent à nourrir l'homme.

E
Le Gofier en ligue Arabique s'appelle Gula Neri, en Grec œsophagus, c'est la steate interieure du col, par laquelle le manger & le boire passe, & descend droit à l'orifice du ventricule, & de là au ventre.

F
Le commencement du ventricule s'appelle Estomach, la bouche du ventricule, & vulgaire orifice de l'estomach en iceluy consiste la faculté d'auoir appetit de manger, & de faire la coction, & ceste orifice de ventricule les anciens l'ont appellé Cardia, c'est à dire, le cuer ainsi q' tesmoigne Galien, & à cause de ceste appellatio on à coustume de dire, la maladie du cuer, & la douleur du cuer, laquelle Plaute interprete cordolum, c'est à dire douleur de cuer.

G
Le Ventricule s'appelle en langage Grec colia gastris, ausly stomach, mais non pas si souuent, le ventre, ventricule, & vulgairement estomach, & aucune fois le vêtre, ou font les boyaux & la matiere fecale. C'est l'instrument pour cuire la viande, fait par nature pour recepoir le nutriment humide & sec, semblable à vne fornaisse, & est subiect à plusieurs maladies.

H
Le fond du ventre & orifice inferieur est bien fermé durant le temps que la coction se fait au ventricule, & apres la coction il s'ouure par foy mesmes & tire vers le collè dextre.

I
Le PILORUS en vulgaire est appellé le portier & pylus du fond du ventre. Apres ce portier l'enfuyt vn intestin nommé cephytis, & apres l'enfuyt vn autre intestin nommé leianium.

K
Le foye est vne partie qui fait le sig lequel d'vn doulx & amoureux embard semé & touché de la partie dextre eschauffe & entretient en chaleur le ventricule de la partie interieure il est creux & cané de la partie exterieure il est borsu & gibberoux, la subsistance qui est au dit foye attirée des intestins se cuit & tourne en sang, & se qui est inutile en

luy se distribue en vrine, cholere amer & melancholie.

L
Le vaisseau ou receptacle de cholere la vesie de la cholere, vaisseau de cholere, le fiel, la cholere, la petite peau & source du fiel se cōioint & est fort adherente au lobe du foye & reçoit lextrement du mauuais sang.

M
La Veine rameuse au corps de l'homme est sèblable aux racines d'vn arbre autrement appellé la Veine porte, en Arabic Vanidacoer, les mains du foye, ceste veine porte, attire & transporte par plusieurs petites veines, la subsistance du ventricule, & des intestins, & repurge en la rate le sang melancholique.

N
La rate au dedās est molle & lasche en laquelle l'assemble le sang melancholique comme dedans vne fosse.

O
La veine caue, autrement appellée la veine du foye, en Arabic s'appelle Hanabad, vulgairement Vena Killis, par ceste veine caue, le sang apres qu'il a esté engendré du foye, est distribué par tout le corps pour le nourrir.

P
Les reins sont adharrens d'vn costé & d'autre enuiron la partie de l'eschine qu'on appelle les Reins, desquelz le dextre est plus hault q' le fenestre. Par les Reins est attiré la partie du sang en laquelle ya plus d'vrine, & par les vretaires est enuoyée en la vesie.

Q
La Vesie est le receptacle de l'vrine, & reçoit ladite vrine par vaisseaux blancs appellés vreteres, & reçoit ladite vrine par ce lieu laquelle est couuerte de doubles rates.

R
Les Couillons sont les parties, qui font la semence & acheuent ladite semence en leurs conduitz. Ils sont humides & chaultz, & s'ont diuisez en parties fort menues.

S
La partie superieure du Couillon se appelle, epydiymis, en laquelle partie superieure les vaisseaux qui portent la semence s'ont inserés, lequelz prennent leur origine de la veine caue, de la partie dextre. Et de la fenestre de la veine emulgerie & d'vn costé & d'autre de la grande artere, ces vaisseaux, les Grecs les appellent Poros, c'est à dire conduitz.

T
La verge de l'homme à deux conduitz bien apparentz, l'vn porte l'vrine, & l'autre la semence. Le bout de la verge s'appelle glans, & la peau qui couure la glande s'appelle prepuce.

V
L'intestin ilios Barbarement est appellé inuolutum, enuolopement. En cest intestin consiste vne douleur fort cruelle, qu'on appelle en Grec Ilios en Latin Volulus, & de ceste maladie on gède la fiante par la bouche.

X
L'intestin Colon, est vne partie des gros intestins, en laquelle si les excrementz demeurent longuement engendrent vne puèis. Cest intestin est subiect à douleur cholique.

Y
L'intestin Ceci cōmumément est appellé monocolum, c'est à dire n'ayant qu'vn cil, lequel par le trou qu'il pède la fiante, ausi par iceluy mesmes le reins.

Z
L'intestin Rectum qu'on appelle le boyauculier, est le dernier intestin la fin duquel en latin s'appelle Anus fibula, c'est à dire la boucle ou agraphe du cul, en Grec dactylis Stephani, c'est à dire la coronne du cul. Galien s'appelle Sphynxer, c'est à dire le cul ou le muscle du cul, par celuy les veines ha mortelles couient le sang melchani, & melancholique.